



МОНГОЛ УЛС
ХӨВСГӨЛ АЙМГИЙН ЗАСАГ ДАРГЫН
ЗАХИРАМЖ

2023 оны 03 сарын 31 өдөр

Дугаар А/134

Мөрөн сум

Автотээврийн хэрэгслийн шинэчилсэн
бүртгэл тооллогын ажил зохион
байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.1, 66 дугаар зүйлийн 66.1 Автотээврийн тухай хуулийн 7 дугаар зүйлийн 7.1.1, 7.1.3, Зам тээврийн хөгжлийн сайд, Сангийн сайдын хамтарсан 2023 оны 03 дугаар сарын 03-ны өдрийн “Хуулийн хэрэгжилтийг хангуулах арга хэмжээний тухай” А/57/48 дугаар тушаалыг тус тус үндэслэн ЗАХИРАМЖЛАХ нь:

1. Аймгийн хэмжээнд ашиглагдаж байгаа автотээврийн хэрэгслийн шинэчилсэн бүртгэл, тооллогын ажлыг 2023 оны 03 дугаар сарын 30-ны өдрөөс эхлэн 2023 оны 04 дүгээр сарын 20-ны өдрийн хооронд зохион байгуулсугай.

2. Автотээврийн хэрэгслийн шинэчилсэн бүртгэл, тооллого зохион байгуулах ажлын хэсгийн бүрэлдэхүүнийг нэгдүгээр, ажлын удирдамжийг хоёрдугаар хавсралтаар тус тус баталсугай.

3. Сумын нутаг дэвсгэрт бүртгэлтэй “Автотээврийн үндэсний төв” ТӨҮГ-аас ирүүлсэн жагсаалтад тусгагдсан сүүлийн 1-4 жилийн хугацаанд техникийн хяналтын үзлэгт хамрагдаагүй тээврийн хэрэгслүүдийг шинэчилсэн бүртгэл, тооллогод бүрэн хамруулах, ажлын хэсэг орон нутагт ажиллах нөхцөл боломжоор хангах, шаардлагатай мэдээ, мэдээллийг тухай бүр гарган өгч хамтран зохион байгуулахыг сумдын Засаг дарга нарт үүрэг болгосугай.

4. Автотээврийн хэрэгслийн шинэчилсэн бүртгэл, тооллогын ажлыг холбогдох хууль, журмын хүрээнд үр дүнтэй зохион байгуулж, тайлагнаж ажиллахыг ажлын хэсгийн ахлагч (Б.Оюунтуяа), гишүүдэд тус тус даалгасугай.

5. Энэхүү захирамжийн хэрэгжилтэд хяналт тавьж ажиллахыг аймгийн Засаг даргын Тамгын газар (Б.Мөнгөн-Эрдэнэ)-т даалгасугай.

ОРЛОГЧ

М.ХУЯГБААТАР



Аймгийн Засаг даргын 2023 оны 03
дугаар сарын 31.-ны өдрийн
Б/134 дүгээр захирамжийн
1 дүгээр хавсралт

АВТОТЭЭВРИЙН ХЭРЭГСЛИЙН ШИНЭЧИЛСЭН БҮРТГЭЛ,
ТООЛЛОГО ЗОХИОН БАЙГУУЛАХ АЖЛЫН ХЭСГИЙН
БҮРЭЛДЭХҮҮН

Ажлын хэсгийн ахлагч:

Б.Оюунтуяа (Аймгийн Засаг даргын Тамгын
газрын Хөгжлийн бодлого, төлөвлөлт, хөрөнгө
оруулалтын хэлтсийн дарга)

Гишүүд:

Ч.Хуншагай (Татварын хэлтсийн дарга)

Б.Болд (Орон нутгийн өмчийн газрын ХАА-ны
албаны дарга)

А.Алтанцоож (Цагдаагийн газрын дарга, цагдаагийн
хурандаа)

М.Амарбаясгалан (Хөвсгөл аймгийн автотээврийн
төвийн хяналтын мэргэжилтэн)

Д.Нямсүрэн (Хөвсгөл аймгийн Автотээврийн
төвийн бүртгэлийн мэргэжилтэн)

Сумдын засаг дарга нар

Нарийн бичгийн дарга:

Ө.Баттулга (Хөвсгөл аймгийн Автотээврийн
төвийн дарга)

Аймгийн Засаг даргын 2023 оны 03
дугаар сарын 31-ны өдрийн
А/134 дүгээр захирамжийн
2 дугаар хавсралт

АВТОТЭЭВРИЙН ХЭРЭГСЛИЙН ШИНЭЧИЛСЭН
БҮРТГЭЛ, ТООЛЛОГО ЗОХИОН БАЙГУУЛАХ
АЖЛЫН УДИРДАМЖ

Зорилго: Авто тээврийн тухай хууль, Авто замын тухай хууль, Авто тээврийн болон өөрөө явагч хэрэгслийн албан татварын тухай хууль, Агаарын бохирдлын төлбөрийн тухай хууль болон "Автотээврийн үндэсний төв" ТӨҮГ-аас ирүүлсэн жагсаалтад тусгагдсан сүүлийн 1-4 жилийн хугацаанд техникийн хяналтын үзлэгт хамрагдаагүй тээврийн хэрэгслүүдийг шинэчилсэн бүртгэл, тооллогод хамруулахад оршино.

Дараах шийдвэрүүдийг удирдлага болгоно.Үүнд:

1. Автотээврийн тухай хууль;
2. Авто замын тухай хууль;
3. Автотээврийн болон өөрөө явагч хэрэгслийн албан татварын тухай хууль;
4. Агаарын бохирдлын төлбөрийн тухай хууль;
5. Засгийн газрын 2022 оны 09 дүгээр сарын 28-ны өдрийн 47 дугаар хуралдааны тэмдэглэл;
6. Зам тээврийн хөгжлийн сайд, Сангийн сайдын хамтарсан 2023 оны 03 дугаар сарын 03-ны өдрийн "Хуулийн хэрэгжилтийг хангуулах арга хэмжээний тухай" А/57/48 дугаар тушаал;
7. "Автотээврийн үндэсний төв" ТӨҮГ-ын Тээврийн хэрэгслийн бүртгэлийн хэлтсээс ирүүлсэн сүүлийн 1-4 жилийн хугацаанд техникийн хяналт үзлэгт хамрагдаагүй тээврийн хэрэгслийн жагсаалт;
8. Салбарын бусад хууль, тогтоомж, дүрэм, журам, стандарт;

Сумдад хамрагдвал зохих тээврийн хэрэгслийн тоо:

№	Сумдын нэрс	Бүртгэлтэй тээврийн хэрэгслийн тоо	Шинэчилсэн бүртгэл, тооллогод хамрагдах тээврийн хэрэгслийн тоо
1	Алаг-Эрдэнэ	1438	474
2	Арбулаг	949	333
3	Баянзүрх	704	267
4	Бүрэнтогтох	1048	290
5	Галт	872	234
6	Жаргалант	862	208
7	Их-Уул	1012	252
8	Мөрөн	11760	3821
9	Рашаант	750	197
10	Ренчинлхүмбэ	645	230
11	Тариалан	1240	379
12	Тосонцэнгэл	1062	293
13	Төмөрбулаг	816	316
14	Түнэл	887	292
15	Улаан-Уул	593	209
16	Ханх	518	247
17	Хатгал	187	73
18	Цагааннуур	258	109
19	Цагаан-Үүр	296	100
20	Цагаан-Уул	1254	300
21	Цэцэрлэг	970	247
22	Чандмань-Өндөр	551	176

23	Шинэ-Идэр	593	183
24	Эрдэнэбулган	630	163
Нийт		29895	9393

— оОо —



Сумдад ажиллах үйл ажиллагааны ерөнхий чиглэл:

Мэргэжлийн байгууллагаас ирүүлсэн бүртгэл, мэдээллийг үндэслэн тухайн суманд бүртгэлтэй 1-4 жил Техникийн хяналт үзлэгт хамрагдаагүй тээврийн хэрэгслүүдийг замын хөдөлгөөнд оролцож байгаа эсэхийг үл харгалзан байгаа байршил дээр нь нүд үзэн шалгах, тээврийн хэрэгслийн ерөнхий байдал, арал, хөдөлгүүрийн мэдээллийг холбогдох цахим систем (апликейшин)-д заасан үзүүлэлт тус бүрээр баталгаажуулан авч шинэчилсэн бүртгэл, тооллогод хамруулан сан үүсгэх, холбогдох хууль, журмын дагуу төлвөл зохих татвар, хураамжийг төлүүлэх, ашиглалтын шаардлагад нийцэхгүй болсон тээврийн хэрэгслүүдийг мэргэжлийн байгууллагад хандан хасалт хийлгэхэд оршино.

Хөвсгөл аймгийн Автотээврийн төв:

- Шинэчилсэн бүртгэл, тооллогод хамрагдвал зохих тээврийн хэрэгслийн судалгааг сум, багаар гарган хамтран ажиллах байгууллагуудад хүргүүлэх;
- Шинэчилсэн бүртгэл, тооллогод хамрагдсан тээврийн хэрэгслүүдийн мэдээллийг нэгтгэх, тайлагнах;

Татварын хэлтэс:

- Тээврийн хэрэгсэл нь зарсан боловч албан ёсны шилжүүлэг хийлгээгүй, цаашид ашиглах боломжгүй болсон боловч албан ёсны хасалт хийлгээгүй, олон жилийн хуримтлагдсан өртэй тээврийн хэрэгсэл эзэмшигчидтэй биечлэн болон утсаар холбогдож, өрийн мэдээлэл, төлөх боломжуудыг танилцуулан тэмдэглэл хөтлөх;
- Татварын өрийг барагдуулан орон нутгийн төсөвт төвлөрүүлэх

Цагдаагийн газар:

- Гэмт хэрэг зөрчилд холбогдсон, журамлагдсан, саатуулагдсан тээврийн хэрэгслүүдийг тооллогод хамруулах ажлыг зохион байгуулах;
- Монгол улсын Засгийн газрын 2022 оны 09 дүгээр сарын 28-ны өдрийн 47 дугаар хуралдааны тэмдэглэлд тусгагдсан үүрэг чиглэлийн дагуу сүүлийн 1-4 жилийн хугацаанд техникийн хяналт үзлэгт хамрагдаагүй Авто тээврийн болон өөрөө явагч хэрэгслийн албан татварын тухай хууль, Агаарын бохирдолын төлбөрийн тухай хуулийн хэрэгжилт хангаагүй төлбөрөө төлөөгүй, жолоочийн хариуцлагын албан журмын даатгалд хамрагдаагүй тээврийн хэрэгслүүдийг автозамын хөдөлгөөнд оролцохыг хориглох
- Сумдын Цагдаагийн Тасгийн дарга, Байцаагч, Төлөөлөгч нарыг удирдамжид заасан байгууллагын чиг үүргийн дагуу ажиллуулах, тусгайлан үүрэгжүүлэх, ажлын явц гүйцэтгэлд өдөр тутмын хяналт тавьж үр дүнг тооцож ажиллах

Орон нутгийн өмчийн газар:

- Төрийн байгууллагад бүртгэлтэй тээврийн хэрэгслүүдийг шинэчилсэн бүртгэл, тооллогод хамруулах
- Төрийн өмчийн хорооны шийдвэрээр шилжилт хөдөлгөөн болон хасалт хийгдээгүйгээс болж өр үүсгэж бүртгэл дээрээ байгаа тээврийн хэрэгслүүдийн баримт бичгийг бүрдүүлэх бүртгэлээс хасуулах, шилжүүлэх, үүссэн өр төлбөрийг барагдуулах
- Төсөвт байгууллагуудын тээврийн хэрэгслийн бүртгэлийн мэдээллийг шинэчлэн ОНӨГ-ын бүртгэлийг АТТ-ийн бүртгэлтэй тулгаж, зөрүүг арилгах, татварын өртэй бол бүрэн төлж барагдуулах
- Жагсаалтад тусгагдсан тээврийн хэрэгслүүдийн эзэмшигчдийг баг тус бүрээр хуваарь гарган тухайн багийн Засаг дарга нарт хариуцуулан газар дээр нь нүд үзэн хянаж шалгах нөхцөл боломжоор хангах

Сумдын Засаг даргын Тамгын газар:

- Сумын хэмжээнд бүртгэлтэй жагсаалтад тусгагдсан тээврийн хэрэгслүүдийг шинэчилсэн бүртгэл, үзлэг тооллогод бүрэн хамруулах чиг үүрэг бүхий ажлын хэсгийг томилон захирамж гарган ажиллуулах
- Орон нутгийн төсөвт байгууллагуудад бүртгэлтэй тээврийн хэрэгслүүдийг бүртгэл тооллогод хамруулан мэдээллийг шинэчлэн мэргэжлийн байгууллагын бүртгэл мэдээлэлтэй тулгах татварын өртэй бол бүрэн төлж барагдуулах
- Мэргэжлийн байгууллагаас ирүүлсэн, бүртгэл, мэдээллийг үндэслэн тухайн суманд бүртгэлтэй 1-4 жил Техникийн хяналт үзлэгт хамрагдаагүй тээврийн хэрэгслүүдийг замын хөдөлгөөнд оролцож байгаа эсэхийг үл харгалзан байгаа байршил дээр нь нүд үзэн шалгах, тээврийн хэрэгслийн ерөнхий байдал, арал, үзүүлэлт тус бүрээр баталгаажуулан авч шинэчилсэн бүртгэл тооллогод хамруулах
- Багийн Засаг дарга нарт удирдамж тусгагдсан чиг үүрэгт ажлыг үр дүнтэй зохион байгуулж байгаа эсэхэд өдөр тутмын хяналт тавьж, үр дүнг тооцож ажиллах
- Орон нутагт зохион байгуулсан ажлын тайланг 2023 оны 04 дүгээр сарын 20-ны өдрийн дотор Хөвсгөл аймгийн Автотээврийн төвд хүргүүлэх

Багийн дарга нар:

- Жагсаалтад тусгагдсан тухайн багийн нутагт бүртгэлтэй тээврийн хэрэгслүүдийн байршил мэдээллийг урьдчилан бэлтгэж ажлын хэсгийг мэдээллээр хангах
- Тухайн багт бүртгэлтэй байгаа тээврийн хэрэгслүүдийг шинэчилсэн бүртгэл, тооллогод бүрэн хамруулах
- Иргэдэд тээврийн хэрэгслийн шинэчилсэн бүртгэл, тооллогын талаарх мэдээ, мэдээллийг урьдчилан хүргэх
- Багийн Засаг дарга нь харъяа нутаг дэвсгэрт бүртгэлтэй тээврийн хэрэгслүүдийн бүртгэл, мэдээллийг шинэчлэн гаргах, бүртгэлээс хасах шаардлагатай тээврийн хэрэгслүүдийн холбогдох баримт материалыг бүрдүүлэн мэргэжлийн байгууллагад хүргүүлэх

Хугацаа:

- 2023 оны .. дугаар сарын ..-ны өдрөөс 2023 оны ..дүгээр сарын ..-ны өдөр

Сумдад ажилласан ажлын тайлан нэгтгэн танилцуулах:

- Ажлын хэсэг нь батлагдсан удирдамжийн дагуу чиг үүрэг ажлын явц, гүйцэтгэлийг аймгийн Засаг даргад танилцуулж, гарсан шийдвэрийг холбогдох байгууллага, сумдад хүргүүлэх;

_____оОо_____